



Onadikendanawa am minigik eh ipitendagonik shonia ni anishnabe odishticigewin



Archipel ka ndinjamowatc kegoni mamowi odibakonigenimiyawa, widja odimtaman Canada, kegoni kijendimowatc, ododimitanigwamik (Otatagagomin Kizis 2020 - Kakone Kizis 2021) kidja nisistcigadenik anek anishnabe eh odja kopiyoudik odinabijitown, kina oma Canada okitkimik, actic anik shonia ni wh odja abidinik.



124 minigik nigi
kinonanan
pemadizidjik,




15 minigik ki ija
ojsimaginiyok,
112 dish tisiyok;



413 minigik
tishiyok kagi
nikwetimowatc.

Kagi widokazitc dish anishnabe ka kishkitowatc kegoni, ojsidjigewinik, miyodasowinik, mamowi ketehyak. Minigik kagi wam-mak awik, 73% anishnabeyok, 8% tokolot ka inehgiziwatc, mamowi dish 19% aptiwizik.



Eh noshtowak wedi, wedi nigimikanana, miyo anishnabe eh ija madjiyotc weni eh ija kishtok. Panima anishnabe odabidjton eh ija kendik, onidinendjigan kidja kinamositc agwa kidja onitowatc odinishnabewinya.

“Ndinishnabemik ka ma widjiyowatc... Kawin wedi nidostosin kidja minendimowik awik. Nidojton wedi ozam mi ehija madiziwiyan, eh ija kendiman kidja nidowidiziyan kegon inendiman.”
- Kitchi zibi nekenah

“Kan nigishtosin 500 minigik kidja ojibigeyan nimizinigini kak, kawi ikidoyan Anish nigikendan newin eh ndenimik mozowan, nigikendan eh ndendiman nigasimonigan, 20 minigik nidenmah migik, shobinigan mamowi sesibi.... Anish kidja tibadjimowan kina 500 dish minigik eta kidja ojibiyaman ni mizinigan?... Wedi ka todiman, anmitcigoshi weni minowatc odoshtcigewin.”
- Youkon kapi odiseyatc



Atcigadenik oma shonia ni kidja minosenik ka wi todimowatc. Ka kijikomowatc weni anishnabe odja, tedigo owidokowan, ozan kawin oda kishkitosina nawa wintcikenowa.

Tedigo kiyabitc sinigani anishnabek kidja mikimowatc keh ija widokwagfiniyatc.

Kagi ndinjaman dish, 26 minigik nigimikan keh nigansidowan ogimanodagini kak nekenah mamowi ka kijigabidimowatc shonia ni, keh ija nosiniyamowatv odi nigan. Mizinadeh oma kina anamik:

- Nopimik mamowi keh widokazowatc, ka tijikeyatc anishnabe kak, kidja mamowi widja odimtamidiyatc.
- Nigansidon odi kiyedinok agonen ka sinigik.
- Nigansidon actic widokok anishnabek kidja kopiyodimowatc odinehwinyah.
- Ojton kidja minobidek shonia, kidja mino widokotc anishnabek kawi kweshtowatc weni.
- Ojision kidja mikimowatc weni mamowi kidja tibadjimowatc aneh senik weni.
- Okitsidon anishnabe inakonigewin, kidja widokowaginiyatc, mamowi agwa kidja nitcigadenik odinishnabewinya.

Kiyabitc winda kendimin, mamowi mizinigan kagi kishtigadek, keh nosinamin mizinigan, ka ija nikwetik ogimanodagan, mamowi wedi mizinigan kodik ka ijigeshemigik, ima inabin:
Kagi ndinjigadek shonia mizinigan anishnabek odja mamowi Canada ogimanodaganinik



Niwi tibadjimomin minigik eh apitendiman acitc migwetc kina awik nidina kagi widokazitc, actic dish kagi asaginiyatc oma ka widokazowatc, ehgi atowatc oma kewinwa ododimitawinyaé.